



Broj: 02-30-1-83-3/24

Datum: 03.07.2024.godine

Na osnovu člana 49. Zakona o policijskim službenicima Hercegovačko - neretvanskog kantona („Službene novine HNK“ broj: 9/07, 9/12, 7/19, 5/22, 12/22 i 5/23), člana 25. Pravilnika o sadržaju, načinu i rasporedu testiranja kandidata i sistemu bodovanja testova u procesu odabira policijskih službenika broj: 01-02-2-441/24 od 08.04.2024. godine, Odluke Vlade HNK o davanju saglasnosti Ministarstvu unutrašnjih poslova za raspisivanje Javnog oglasa za prijem i školovanje kadeta broj: 01-1-02-2572/23 od 18.10.2023. godine („Službene novine HNK“ broj: 12/23), Odluke Vlade HNK o izmjeni i dopuni Odluke o davanju saglasnosti Ministarstvu unutrašnjih poslova za raspisivanje Javnog oglasa za prijem i školovanje kadeta broj: 01-1-02-996/24 od 25.4.2024. godine („Službene novine HNK“ broj: 8/24) i Rješenja o imenovanju Komisije za izbor broj: 02-30-20-937/24 od 25.06.2024. godine, Komisija za izbor kandidata u procesu odabira policijskih službenika u Upravi policije MUP HNK, r a s p i s u j e

JAVNI OGLAS

za popunu upražnjenih radnih mjesta policijskih službenika u Upravi policije, Ministarstva unutrašnjih poslova Hercegovačko-neretvanskog kantona

1. u činu „**policajac**“ u Upravi policije kao prvi nivo pristupa za kandidate sa najmanje IV stepenom stručne spreme - **broj izvršilaca - 120 (sto dvadeset)**
2. u činu „**mlađi inspektor**“ u Upravi policije kao drugi nivo pristupa za kandidate sa najmanje VI stepenom stručne spreme ili najmanje završenim prvim ciklusom visokog obrazovanja - **broj izvršilaca - 25 (dvadeset i pet).**

I USLOVI ZA PRIJAVLJIVANJE NA JAVNI OGLAS

Opšti uslovi za kandidate:

Kandidati moraju ispunjavati sljedeće opšte uslove propisane članom 46. Zakona o policijskim službenicima Hercegovačko-neretvanskog kantona:

- a) državljanstvo Bosne i Hercegovine,
- b) životna dob između 18 i 27 godina za početni čin policajac i do 35 godina za početni čin mlađi inspektor,
- c) najmanje IV stepen stručne spreme za čin policajac, a najmanje VI stepen stručne spreme ili najmanje završen prvi ciklus visokog obrazovanja za čin mlađeg inspektora,
- d) ljekarsko uvjerenje ne starije od tri mjeseca kao dokaz o fizičkoj i psihičkoj sposobnosti za rad,
- e) da nije otpušten iz institucije državne uprave ili iz vojne službe u Bosni i Hercegovini kao rezultat disciplinske sankcije,
- f) da protiv njega nije pokrenut krivični postupak ili/i da nije postala pravosnažna kazna zatvora za krivično djelo, osim za krivična djela protiv bezbjednosti saobraćaja u skladu sa krivičnim zakonodavstvom,

- g) da nije optužen od Međunarodnog krivičnog tribunala za bivšu Jugoslaviju i da se nije odbio pojaviti pred Tribunalom.

Posebni uslovi za kandidate:

- položen vozački ispit „B“ kategorije.

II POTREBNA DOKUMENTACIJA

Uz „**Prijavni obrazac**“ kandidati su dužni dostaviti sljedeću dokumentaciju:

1. Uvjerenje o državljanstvu BiH ne starije od 6 mjeseci,
2. Izvod iz matične knjige rođenih (sa rokom važenja „trajno“),
3. Dokaz o završenom najmanje IV stepenu stručne spreme za čin policajac, odnosno najmanje VI stepen stručne spreme ili najmanje završen prvi ciklus visokog obrazovanja za čin mlađi inspektor (nostrificirana diploma ukoliko škola nije završena u Bosni i Hercegovini ili je diploma stečena u nekoj od država nastaloj raspadom SFRJ, nakon 06.04.1992.godine),
4. Izjava kandidata ovjerena kod nadležnog organa ili potvrda/uvjerenje poslodavca ili državnog organa ili institucije da nije otpušten iz institucija državne uprave ili iz vojne službe u Bosni i Hercegovini kao rezultat disciplinske sankcije,
5. Uvjerenje o ne vođenju krivičnog postupka izdato od strane nadležnog suda (ne starije od tri mjeseca),
6. Izjava kandidata ovjerena kod nadležnog organa da nije optužen od Međunarodnog krivičnog tribunala za bivšu Jugoslaviju i da se nije odbio pojaviti pred Tribunalom,
7. Dokaz o položenom vozačkom ispitu „B“ kategorije.

Na osnovu člana 18. Zakona o dopunskim pravima branilaca i članova njihovih porodica u HNK („Službene novine HNK“ broj: 6/18, 4/21, 7/22 i 11/23) i Uredbe o jedinstvenim kriterijima i pravilima za zapošljavanje branilaca i članova njihovih porodica u HNK („Službene novine HNK“ broj: 1/24), **pravo na prioritet pri zapošljavanju pod jednakim uslovima ostvaruju:** dobrovoljci, organizatori otpora, veterani, učesnici rata – demobilisani branioci, ratni vojni invalidi, dobitnici ratnih priznanja i odlikovanja i članova njihovih porodica, članova porodica poginulih, umrlih i nestalih branilaca, a koji imaju prebivalište u HNK.

Kandidati koji ostvaruju pravo na osnovu gore navedenog Zakona i Uredbe, dužni su dostaviti dokaze sa popisa dokumentacije kojom se dokazuje status korisnika:

1. Član porodice poginulog, umrlog i nestalog branioca dostavlja: Uvjerenje o statusu djeteta poginulog, umrlog i nestalog branioca, Rješenje o priznatom pravu na porodičnu invalidninu za suprugu poginulog, umrlog i nestalog branioca, Uvjerenje o učestvovanju u Oružanim snagama za poginulog, umrlog i nestalog branioca.
2. Ratni vojni invalid dostavlja: Rješenje o priznatom svojstvu ratnog vojnog invalida.
3. Dobitnik ratnog priznanja i odlikovanja dostavlja: Rješenje o priznatom pravu na mjesečno novčano primanje dobitniku priznanja i odlikovanja ili Uvjerenje.
4. Demobilisani branilac dostavlja: Uvjerenje o učestvovanju u Oružanim snagama.
5. Dijete ratnog vojnog invalida, dobitnika ratnog priznanja i odlikovanja i demobilisanog branioca dostavlja: Uvjerenje o statusu djeteta, ratnog vojnog invalida, Rješenje o priznatom pravu na:
 - a) Invalidninu
 - b) Mjesečni novčani dodatak
 - c) Uvjerenje o sudjelovanju u Oružanim snagama.

Napomena:

Opšti uslov iz tačke f) odjeljka I USLOVI ZA PRIJAVLJIVANJE NA JAVNI OGLAS u dijelu koji se odnosi na „i da nije postala pravosnažna kazna zatvora za krivično djelo, osim za krivična djela protiv bezbjednosti saobraćaja u skladu sa krivičnim zakonodavstvom“, Komisija za izbor će utvrditi naknadno, po službenoj dužnosti i to za kandidate koji su odabrani radi upućivanja na ljekarski pregled i sigurnosne provjere.

Ljekarsko uvjerenje, kao opšti uslov, odnosno potvrdu zdravstvene sposobnosti priložit će kandidati koji su predloženi za prijem i isti snose troškove ljekarskog pregleda.

Kandidat koji se prijavio na Javni oglas, a koji ne ispunjava sve opšte i posebne uslove, odnosno koji nije podnio pismenu prijavu na propisanom obrascu ili prijava ne sadrži tražene podatke ili uz prijavu nije priložio dokumentaciju utvrđenu Javnim oglasom ili nije predao prijavu i dokumentaciju u propisanom roku, Komisija prijavu tog kandidata ne prihvata i istog uvrštava na Listu kandidata koji nisu ispunili uslove za pristupanje testiranju, a koja će biti objavljena na web stranici MUP-a HNK: www.muphnk.ba, te na oglasnim pločama MUP-a u sjedištu i Policijskih uprava Mostar, Konjic i Čapljina, sa naznakom razloga za isključenje.

Prilikom odabira kandidata, rukovodilac Uprave policije će se rukovoditi odredbama člana 4. Zakona o policijskim službenicima HNK, kojim je propisano da: “Struktura policijskih službenika u policijskom organu odražava nacionalni sastav stanovništva na teritoriji koji obuhvata Kanton prema popisu iz 1991. godine”.

III PRAVILA POSTUPKA ODABIRA KANDIDATA

U cilju zaštite ličnih podataka kandidata, a primjenom odredbi Zakona o zaštiti ličnih podataka BiH, svim kandidatima će se prilikom prijave na Javni oglas, dodijeliti identifikacijski broj - šifra, koja će se koristiti u postupku odabira, umjesto ličnog imena i prezimena i ista će biti na potvrdi o prijemu podneska – prijave. Svaki kandidat je dužan čuvati tajnost identifikacijskog broja - šifre.

Kandidatima koji prijavu na Javni oglas dostave putem preporučene pošte, dodijeljeni identifikacijski broj - šifra, bit će saopštena putem kontakt telefona ili e-maila iz Prijavnog obrasca, dok će im na prvom testiranju biti uručena potvrda o prijemu prijave - podneska sa dodijeljenim identifikacijskim brojem - šifrom.

Samo kandidati koji ispunjavaju opšte i posebne uslove iz Javnog oglasa i koji su priložili svu dokumentaciju traženu Javnim oglasom, imaju pravo pristupa testiranju po sljedećem redosljedu:

- a) test opšteg znanja, uključujući pisani rad,
- b) test fizičke sposobnosti, morfološki status i provjera vještine plivanja,
- c) ljekarski pregled,
- d) psihološki pregled, uključujući test i razgovor,
- e) drugi test koji policijski organ smatra potrebnim ili opravdanim (intervju).

Testiranje se obavlja najkasnije 30 dana poslije isteka roka za prijavljivanje.

Komisija utvrđuje identitet kandidata koji se testiraju, uvidom u identifikacioni dokument i dodijeljenu šifru kandidata prije početka svakog testiranja.

Kandidat koji ne prođe na jednom od navedenih testova, isključuje se iz daljnjeg procesa odabira, što se objavljuje na web stranici MUP-a HNK: www.muphnk.ba, te na oglasnim pločama MUP-a u sjedištu i Policijskih uprava Mostar, Konjic i Čapljina, sa naznakom razloga za isključenje.

Test opšteg znanja obuhvatit će pitanja iz slijedećih oblasti:

- Ustav (Bosne i Hercegovine, Federacije Bosne i Hercegovine i Hercegovačko - neretvanskog kantona),
- Zakon o unutrašnjim poslovima Hercegovačko-neretvanskog kantona,
- Zakon o policijskim službenicima Hercegovačko-neretvanskog kantona,
- Krivični zakon Federacije Bosne i Hercegovine,
- Zakon o krivičnom postupku Federacije Bosne i Hercegovine i
- Zakon o prekršajima Federacije Bosne i Hercegovine.

Navedeni propisi za ispit opšteg znanja dostupni su na web stranici MUP-a HNK: www.muphnk.ba.

Komisija će prilikom pripreme testova voditi računa da pitanja za test opšteg znanja prilagodi nivou pristupa u čin „policajac“, odnosno „mlađi inspektor“ .

Pisani rad na zadanu temu sastojat će se od teme iz oblasti kulture, društveno - političkog života ili rada policije u zajednici, a vrednuje se po slijedećim kriterijima:

- a) izražavanju,
- b) urednosti,
- c) odgovoru na zadanu temu.

Kompletna procedura provjere kandidata vršit će se u skladu sa Pravilnikom o sadržaju, načinu i rasporedu testiranja kandidata i sistemu bodovanja testova u procesu izbora policijskih službenika broj: 01-02-2-441/24 od 08.04.2024. godine i Poslovnika o radu Komisije za izbor kandidata u Upravi policije.

Ostale važne napomene za kandidate:

Kandidat koji ne zadovolji morfološki status: tjelesna visina - 172 cm i više za muškarce, tjelesna težina muškarca: visina -100 (+10 kg; -15 kg), te za žene tjelesna visina 162 cm i više, tjelesna težina žene: visina -100 (+10 kg; -15 kg), bit će isključen iz daljeg procesa odabira. Izuzetak su kandidati koji na testu fizičke sposobnosti ostvare minimalno 25 bodova, bez obzira na tjelesnu težinu.

Kandidati sa bodovne liste koji budu predloženi za upošljavanje, upućuju se na ljekarski i psihološki pregled, koji uključuje test i razgovor.

Ljekarski pregled kandidata, kao sastavni dio testa, obavit će se u skladu sa Pravilnikom o mjerilima i načinu utvrđivanja posebne psihičke i fizičke zdravstvene sposobnosti za osobu koja se prima u policiju i policijskog službenika, te o sastavu i načinu rada zdravstvenih komisija u ovlaštenim zdravstvenim ustanovama, broj: 02-01-04-551/15 od 23.04.2015.godine.

Nakon završenog ljekarskog pregleda, kandidati će biti podvrgnuti sigurnosnim provjerama u skladu sa Zakonom o zaštiti tajnih podataka BiH. U slučaju da kandidat ne prođe sigurnosne provjere, isti će biti isključen iz daljnjeg procesa odabira.

Nakon prijema konačne i obavezujuće odluke o sigurnosnim provjerama, Komisija za izbor objavljuje konačnu listu kandidata, koji će biti upućeni na pohađanje osnovne obuke za kadete i istu objavljuje na oglasnoj ploči i web stranici Ministarstva www.muphnk.ba.

Odabrani kandidati za čin „policajca“ pohađaju osnovnu obuku kao kadeti u trajanju od sedam mjeseci, od toga pet mjeseci teorijske nastave i dva mjeseca praktične nastave u organu koji upućuje kandidata na obuku. Odabrani kandidati za čin „mlađi inspektor“ pohađaju osnovnu obuku kao kadeti

u trajanju od četiri mjeseca, od toga tri mjeseca teorijske nastave i jedan mjesec praktične nastave u organu koji upućuje kandidata na obuku. Kadet koji je u skladu sa Zakonom o policijskim službenicima upisan na osnovnu obuku, a koji samovoljno napusti obuku ili je isključen sa obuke svojom krivnjom, nadoknadit će policijskom organu troškove obuke. Probni rad policijskog službenika traje 12 (dvanaest) mjeseci.

Pravilnik o sadržaju, načinu i rasporedu testiranja kandidata i sistemu bodovanja testova u procesu odabira policijskih službenika i Pravilnik o mjerilima i načinu utvrđivanja posebne psihičke i fizičke zdravstvene sposobnosti za osobu koja se prima u policiju i policijskog službenika, te o sastavu i načinu rada zdravstvenih komisija u ovlaštenim zdravstvenim ustanovama, dostupni su na web stranici MUP-a HNK: www.muphnk.ba.

O vremenu i mjestu provjere testa opšteg znanja, uključujući pisani rad, provjeru fizičke sposobnosti, ljekarskog pregleda i intervju, kandidati će biti obaviješteni putem web stranice MUP-a HNK: www.muphnk.ba, te na oglasnim pločama MUP-a u sjedištu i Policijskih uprava Mostar, Konjic i Čapljina, prema dodijeljenim identifikacijskim brojevima - šiframa za svakog kandidata.

Kandidati su dužni postupati u skladu sa navedenim obavještenjima Komisije, jer u slučaju ne postupanja po spomenutim obavještenjima, smatrat će se da je kandidat odustao od prijave na Javni oglas.

Potrebni dokumenti iz Javnog oglasa, **predaju se u originalu ili ovjerenoj kopiji** u zatvorenoj koverti i ne podliježu vraćanju.

Kandidati su obavezni uz prijavu predati samo dokumentaciju koja se traži Javnim oglasom, odnosno nije potrebno dostavljati dokumentaciju kojom se dokazuje ispunjavanje bilo kakvih drugih uslova (kursevi, doškolovanje i sl.).

Prijava na Javni oglas sa potrebnim dokumentima se podnosi na svojeručno popunjenom Prijavnom obrascu koji se može preuzeti na web stranici MUP-a HNK: www.muphnk.ba ili u sjedištu MUP-a HNK, Ulica Brune Bušića bb, u Mostaru.

Kandidat je dužan da na Prijavnom obrascu (za prvi nivo pristupa u činu „policajac“ ili/i drugi nivo pristupa u činu „mlađi inspektor“) upiše sve tražene podatke, te da potpiše i saglasnost za korištenje ličnih podataka koja je sastavni dio Prijavnog obrasca.

Ogledni primjerak „IZJAVE“ iz tačke 4. i 6. odjeljka II **POTREBNA DOKUMENTACIJA**, dostupne su u prilogu Javnog oglasa na web stranici MUP-a HNK: www.muphnk.ba.

Kandidati dostavljaju potrebnu dokumentaciju obavezno u zatvorenoj koverti neposrednom predajom na Pisarnici MUP-a HNK u sjedištu ili preporučenom poštom, na adresu:

**Ministarstvo unutrašnjih poslova Hercegovačko-neretvanskog kantona,
Ulica Brune Bušića bb, 88 000 Mostar,
uz obaveznu naznaku**

“Prijava za Javni oglas za popunu upražnjenih radnih mjesta policijskih službenika u Upravi policije, Ministarstvo unutrašnjih poslova Hercegovačko-neretvanskog kantona”

- Ne otvarati -

U slučaju da u dostavljenim podacima postoje određene nejasnoće koje dovode Komisiju za izbor u dilemu oko ispunjavanja nekih propisanih opštih i posebnih uslova ovog oglasa, Komisija za izbor

zadržava pravo da službenim putem zatraži o tome odgovarajuće objašnjenje ili mišljenje od nadležnog organa, kao i dostavu odgovarajućih akata kao dokaz.

Ispunjavanje uslova utvrđenih ovim oglasom računa se danom predaje prijave kandidata na Javni oglas.

Javni oglas ostaje otvoren 30 (trideset) dana od dana posljednjeg objavljivanja u dnevnim novinama.

PREDSJEDNIK KOMISIJE



The stamp is circular and contains the following text: "Ministarstvo obrazovanja, nauke, kulture i sporta Bosne i Hercegovine" (Ministry of Education, Youth and Sports of Bosnia and Herzegovina) around the perimeter. In the center, it says "UPP" and "POLI". The stamp is partially obscured by a large, loopy handwritten signature in blue ink.